

مُطَبَّحَاتُ الْقُرْبَانِ

دائرة مخصوصه

در سعادتده باب عالی جوارنده

محل اداره :

اخطار :

مسلكمزه موافق آثار جديده مع المنونيه
قبول اولور

درج ايدهلن آثار اعاده اولتاز

ديره، فلسفه، علوم، حقوق، اديانده و سياستمانده و باطخاصه كرك سياسي و كرك اجتماعي و مدني احوال و شئونه اهرامه دره بحث ايدر و هفته ده بر نشر اولنور.

آبونه بدلی

صاحب و مؤسسری :

ابوالعلا زین العابدین - ح . اشرف ادیب

در سعادتده نسخه سی ۵۰ پاردر

سنه لکی التي آیلنی

۴۰	۸۰	ممالک عثمانیه ایچون
۳۰۵	۶۰۵	روسیه
۹	۱۷	سائر ممالک اجنبیه
غروش		
روبله		
فرائق		

تاریخ تأسیسی

۱۰ تموز ۳۲۴

قیرانه-ن متوا بورو ایله کوندریلیرسه سنوی
۲۰ غروش فضاه آلنیر

(کتابندن) کبی .. قیاس اولان مضافلرده (چو جوغک کتابی بی) ، (کتابی به) ، (کتابیده) ، (کتابیدن) دینک ایدی. استانبول تورکجه سنده مفعولیت اداتی کلدیکی زمان ، لفظک کوزلندبرلمسی و تلفظک طاتیلاندیرلمسی ایچون ، آرایه برنون صوقوشدیریلوب بر استتتا یاییلمش ، بوحال (کلدیکی) ، (کله جکی) کبی مضافه بکنزه بن شیلرده ینه بویله اولمش .

شوملاحظه بی تازه دکن صوکره (اونباشی) و (کوشه باشی) ترکیلری تکرار یوقلایا بیلیرزا کر بویکی ترکیله قالیرده امثاللرینه باقازسهق ایشک اسرارینی کشف ایتدک صانیرز . بوطنه قایلارق مثلاً دیرز که (اونباشی) ده (اون) ایله (باش) بربرینه قاینامش .. کله مرکب ایکن ایکی هجالی بسیط براسم حالنی آلمش .. بوسبیله بونی مثلاً (آشی) کبی بسیط برکله حالنده قوللانوب (اونباشی بی) ، (اونباشی به) ، (اونباشیده) ، (اونباشیدن) دیورز . ینه (باش) که سبیله یاییلان و جانلی و عاقل برشی ، یعنی انسان کوسته رن (بوزباشی) ، (بیکباشی) ، (بولوکباشی) ، (صوباشی) ، (توفکچی باشی) ، (اوسته باشی) ، (ایشباشی) کبی معروف تعبیرلرده هپ بو استعمالی تعقیب ایدیورز ... (کوشه باشی) تعبیری ایسه (اونباشی) کبی دکل .. بونده کی پارچهلر بیکپاره براسم حالنی آلاماش ، آیری آیری طور یورز . بوندن باشقه ، تعبیر جانلی و عاقل برشی ده کوسته رمیور . بونک ایچون بونده بوتون مضافلرده جاری استعمالی قوللایوب (کوشه باشی) ، (کوشه باشنه) ، (کوشه باشنده) ، (کوشه باشندن) دییورز . نیته کیم (طاغ باشی) ، (تخته باشی) ، (اوجاق باشی) تعبیرلرنده ده حال بویله ... هپمز بوملاحظه ده می یز؟ یا کیلما دیغمزدن امینمی یز؟ بن یا کیلیورز، ظن ایدیورم .

عجا (اونباشی) ایله بونک نظیرلری اولان (باش) لی تعبیرلره بکنزه بن داها باشقه تعبیرلر وارمی؟ بن آرایه آرایه (قول آغاسی) تعبیری بولدم . بوده عینله (اونباشی) و آرقداشلری کبی . تکرار صور یورم که بویله می دوشون یورز؟ او حالده سزه یکیدن صورارم .. (اونباشی) ده (قول آغاسی) ده اسملر یان یانه ، آیری آیری طورورکن ناصیل اولمش ده بونلر بسیط براسم حکمنی آلمش؟ بونلره تمامیه بکنزدین (دره بکی) و (قول و کیلی) تعبیرلری نیچون بوجکمی آلاماش؟ نیچون بونلرده (دره بکی) ، (قول و کیلی) دیه میورز؟ بویکی تعبیرلر جانلی و عاقل برشی کوسته رن ایچون بویله اولمش ایسه ، بویله برشی کوسته رمین (روم ایلی) تعبیری نه سبیله تماماً (اونباشی) و (قول آغاسی) تعبیرلرینه بکنزه مش؟ نیچون (روم ایلی) دیموب (روم ایلی بی) دیورز؟ نیچون نیچون (اونباشی) ایله نظیرلرنده ، (قول آغاسی) ده ، (روم ایلی) ده جاری اولان حال (دره بکی) ، (قول و کیلی) ، (بکیچری آغاسی) ، (کوی امامی) ، (ماقری کوی) ، (طوب طاشی) کبی حتی (کوز باشی) ، (خانم الی) کبی بللی برشی ، برجنس کوسته رن مرکب تعبیرلرده جاری اولمامش؟ شهبه بی دوکوم دوکوم ایدن بوسؤللری داها اوزاتمی

ایلری کورتوریلیرسه ترکیب کیمویسیده اکلایشیلور . ایشته احتساستک بتون کندی اوصافیه هیئت مجموعه سی بو کاغد حقنده بزده وقوف حاصل ایتدیرر و بر فکر مخصرص اعطا ایدر . بو مثال کوستریرر که افکار مخصوصه پک زیاده مفاق و غامضدر .

طبیعتک موجودات و حادثاتندن تحصیل ایدن احتساستدن متولد افکار مخصوصه انسان و حیوانات عالیه نک اساس علمیسیدر . نه وقتکه برشی و یا حادثه شخصک حیاته و نسلک بقاسنه تعلق ایدرسه اول زمان فکر مخصوص بر صفت مؤثره و مهیجه اکتساب ایدر . شی و یا حادثه شخصه موافق و یا غیر موافق ، مفید و یا مضر اولدیغه کوره افکار مخصوصه ده اونک ایچون خوش و یا ناخوش اولور . مثلاً ، آج بر کوپک اوکنده بولنان بر اودون و یا بر طاش پارچه سنه قارشلی لاقید و متفر بولندیغی حالده بر ات پارچه سی کوردیکنده مهنیت آمیز بر هیجان کوستریر .

بر ارکک دیکر بر ارککه نقدر کوزل اولورسه اولسون بر نظر ساکن ایله باقدینی حالده بر کوزل قادینک مواجه سنده غایت خوش بر تأثیر تحتیده بولور . بر بارکیر ، بر کوپک یانندن راحتجه کچدیگی حالده بر قورت کوردیکی آنده بر حدت و خشیته دوچار اولور . بوا فکر مخصوصه نک عنصر مؤثری (جاذبه) ، (ارزو) ، (احتیاج) شکلنده و یا خود بالعکس (دافعه) ، (نفرت) و (قورقو) شکلنده تظاهر ایدر .

انقره لی علی رضا

دها وار

قرنقرانس

لسان عثمانی تدریساتی حقنده

(معارفک دعوتیه اسپارطه لی حق افندی طرفندن ۲۹ اغستوس ۳۲۵ تاریخنده مکتب حقوقده مکتب رشديه معاملرینه تقریر ایدلشدر)
ایکجی مصاحبه دن بقیه
(خلاصه : بر لطیفه جک — ضمیره تکرار نظر — عربی و فارسی اسملر و صفتلر و بونلرک برلشمه سی — مصدرلر — ... بقیه سی صوکره)

اوت ، صوکره حل ایدیکنز . فقط معذبلیکی زوزه کلکه بوزمش اولماق ایچون بوبانده برایکی سوزداها سویله جکم . چونکه بویکی آقیری مثالی باریشدیرمق کوروندیکی قدر قولای دکل .. بونک بری برطرفه ، بری برطرفه کیدیور .

بر آز اول سویله دیکمز وجه ایله ، فعل تأثیرینه اوغریان کله ره استعمال صیره سنده طاقیلان ، مفعولیت اداتلری یازیلدشده مطرددر . بونلر هپ (ی - بی ، ه - به ، ده ، دن) شکلنده قلوب ، (لک ، لاق) کبی دکیشمز . شو فرقله که بودورت ادات ، صوکلرنده صائت بولونمایان کله لرده (ی ، ه ، ده ، دن) در . صائت بولونان کله لرده (بی ، به ، ده ، دن) در . مضافلرده (نی ، نه ، نده ، ندن) در . (کتاب) ، (کتابی) ، (کتابه) ، (کتابیده) ، (کتابیدن) و (آشی) ، (آشی بی) ، (آشی به) ، (آشیده) ، (آشیدن) و (چو جوغک کتابی) ، (چو جوغک کتابی) ، (کتابنه) ، (کتابنده) ،

ممکنند. بونی دوشونمیلی، امثالنی ایجه یوقلامالی، طارتمالی. ایشته مسأله بی سزه براقوب بختی دیکشدریورم.

برآز اول، ضمیر طورسون دیمشدهک. ضمیر غایت خصوصی اسملردر، دیمشدهک. بونکده خاطر ی قالمق ایچون برایی سوزله بایغی ویرمه لی یز. ضمیرده اسم وصفیت کبی یا بسیطدر، یا برشیله برلشمشدر. بسیط ضمیرلر اوپله حسابسزدکل.. طوی اوچ دانه شی: (بن)، (سن)، (او). بونلر غایت خصوصی اولدینی، سائر اسملر کبی هر شیئی کوسته ره جک یرده یالکیز متکلمی مخاطبی غایبی کوسته ردیکی ایچون جمع لری بایغی اسمدن فرقلیدر.. (بنلر)، (سنلر)، (اولر) دینمز، (بز)، (سز)، (اونلر) دینیر. بوسیط ضمیرلره (ضمیر شخصی) دیرلر. ضمیرلرک بو (لر) اداتندن عاری جمع لری بک نادر اولارق تکرار (لر) له جمله نیر؛ (بز لر)، (سز لر) دینیر. ضمیرک اعمال واستعمال حالنه دائر مناسبتله دها اول برایی کله سویله ندی. فی الحقیقه، بونک (بنلک)، (بنجه)، (سنلی بنلی) کبی صایبلی تعبیرلردن باشقه اعمال حالی یوق.. (بکا)، (سکا)، (اوکا)، تحفلقلردن باشقه، استعمال حالنده ده اهمیتله کوریله جک برشی یوق. بونک اسمله صفتله برلشمه سنه کلنجه، اوده اوزون برشی دکل. ضمیر، شخصک و بلی براسمک یرنده کلیور.. اونک ایچون بلیدر، معروفدر.. معروف اولدینی ایچون برتممله بر مضاف الیه تیمه و تعریفه محتاج دکلدر.. اونک ایچون مضاف حالنده بولونماز. فقط مضاف الیه حالنده بولونوب اسمک معناسنی تماملار.. شو فرقله که متکلم و مخاطبه آلاحنی اداتلری کندی جنس سنه و کندی کیفه کوره آلیر. بایغی اسملرک اضافتده اولدینی کبی، مثلا (بنک کتابی)، (سنک کتابی)، (بزک کتابی)، (سزک کتابی) دینمز.. (ک) و (ی) طاقینتیلری ضمیردیا قیشدیریلوب، (بنم کتابم)، (سنک کتابک)، (زم کتابمز)، (سزک کتابکمز) دینیر.. بوده بک موافق برشیدر.

ضمیرک بویله مضاف الیه موقعنده بولونوب اداتی کندی جنس سنه دیکشدرمه سندن باشقه برشی دها حاصل اولیور.. بو حالده، یالکیز مضافده کی ادات، مضاف الیهک وار لغنی یالکیز لوق حالنده ده کوسته ره بیلدیکی ایچون، مضافک معناسنی تماملایان ضمیرک کندیسنه ایش قالمایور.. بک حاجت اولمایان یرلرده بونلر آتیلوب سوزده خقیفک یاییلیورده (کتابم)، (کتابک)، (کتابی)، (کتابمز)، (کتابکمز)، (کتابلری) دینیور. ایشته بوکی حالرده ایشه یارایان اداتلره (ضمیر اضافی) دیرلر. ضمیرلرک برده اسناده یاراماسنی وار.. حال بوکه بونی اداتدن، قیریق کله لردن بحث ایدرکن اورته یه قویق لازم. چونکه ضمیرک بودورلوسی اسمده طاقیلر، فعلده یایشیر. بوسیله بو بختی صوکره یه براقق مناسبدر. بونلری قواعد جیلرمن چوقلق (ضمیر فعلی) و (ضمیر نسبی) دیه یاد ایدیورلر. اسناده یارادقلرینه باقیلیرسه بونلره (ضمیر اسنادی) دینک دها موافقدر.

« بن بر تورکم.. دینم، جنسم اولودر »
مضراغنک (تورکم) تعبیرنده کی میم ضمیر اسنادیدر، (دینم)

و (جنسم) تعبیرلرنده کی میملر ضمیر اضافیدر. بومصراعله باشلایان منظومه بی از بر ایش کوجوک برچوجوغه کچنلرده، بنم تورکم، سنک تورکک، اونک تورکی... دیه آلا ی ایده جک اولدم.. چوجوق ایشی آکلادیغنی ای ای آکلایر بر طورده، بن تورکم، سن تورکسک... دیه جواب ویردی، بنم یا کلیشمی تصحیح ایتدی.. سؤال اوزرینه (دینم)، (جنسم) سوزلرینه ده (بنم دینم)، (بنم جنسم) دیه اکل ایتدی. دوغروسنی (ناجی) نک « یکسان نظر مده صیف و سرما »

منظومه سنی اوقویان بهاریسی بونک یاننده خزان یا برانخی کبی تتره یه تتره یه یرلره دوشه جک. ایشته آکلایلان ساده تورکجه ایله آکلایلمایان محشم تورکجه نک دهشتلی اثری!

کتابلرده برده (ضمیر وصفی) وار.. بو، بزم مقلد و مستنسخ قواعد جیلره مرحوم معظمله جودت پاشانک یادکاریدر. مثلا (اوده کی بازار) سوزنده (اوده کی) تعبیرینک نرسنی ضمیردر و نرسنده ضمیرک ماهیتی واردر؟ بن بردورلو آکلایمایورم. اما کتابلر، بوغرب حکمی وزیر وزیر استنساخ و قبول ایدیورلر. (اوده کی) کبی تعبیرلرده ده (بنمکی) کبی تعبیرلرده ده کورولن (کی) لر عقلمجه بایغی برادندر.. بونده متکلملکدن، مخاطبلقندن، غایب لکدن شمه بیله یوق. ضمیر ایچون بوراده بو قدری کافی.

مساعده بیوریکزده باشقه مهم بر بخته آنلایلم. اوت مخلصکز فرقدیم.. یاریم ساعتدر، اوچوب اوچوب قوناماق، حالنده میم.. چونکه بحث، بک مهیب و مهم بر نقطه یه یا ناشدیریلایق.. اونقطه یه کلک ایچون ذهنلری تمامله و ایجه حاضر لایق لازم.. اونک ایچون بوجالدم قالم. او بحث ندر؟ تورکجه نک عربی و فارسی لغتلره بوغولماسی بختی...

بز تورکز. تورکیاده بز. دینلز تورکجه در. توجک سویله، کویازمق حقمزدر. بو طبیعی حقلره کیسه برشی دیه من. شوده خاطر مزده درکه سویله مک و یازمق ایچون، اک اول محتاج اولدیغمز سرمایه، اسملر و وصفلردر. بونلری یا حاضر بولورز، یا حاضر بولمایوب کنسیدمز حاضر لارز. نیته کیم (یر)، (کوک)، (طاغ)، (صو)، (دکیز)، (کونش)، (آی)، (بیلدیز)، (آچاق)، (یوکسک)، (یوجه)، (چوق)، (پارلاق) کبی لغتلری حاضر بولمشز قوللامشز.. (قرآن)، (حدیث)، (فرض)، (سنت)، (آبدست)، (نماز)، (مکتب)، (کتاب)، (معلم)، (شاگرد)، (عقد)، (اجاره)، (کرا)، (بازار)، (حمام)، (چشمه)، (خسته خانه)، (طیب)، (شریف)، (صحیح)، (فاسد)، (مفسد)، (مائی)، (بختیار)، کبی لغتلری عربیدن فارسیدن آلمشز.. (جغرافیا)، (واپور)، (شمندوفر)، (فوتوغراف)، (پولیچه)، (ایسقونطو) کبی لغتلری فرنک لسانلردن آلمشز. بونلر بک طبیعی برشی.. بونلره دیه جک یوق.

بو طبیعی حالک هر طرفی بویله طبیعی قالماش.. لازم اولان

بودرلو تصرفی بویوک بر هنر صایارق بویولده ایلرله دیکه ایلرله مشنز، یوزلرجه عصردر دوکولدیگمز و ایچنده سرکردان اولدیغمز بویولدن بردن بره دونمک و آیرلمق قولای دکل . . بونی تقدیرایدرز، فقط بویولده ایلرله بوب کینمکده لسانمزک و بزم ترقیمزه مانع . . بونی ده تقدیر ایتملی یزه. ایشته مسئله نك روحی بودر. بونی آکلادق یا، ایشی چوجوقلرمزده آکلانا بیلیرز. مثلاً تورکجه ده (جی، لی، سز، ج، جک، جکز، مسی) کبی آیاقلرله یاباجغمز ایشی، فارسی کله رده بونلره ([شده سز و شده لی] ی، مند، یار، ناک، ور، ین، کبی، (ار، گار، کار، گر، بان، وان، دار، ان) کبی، (وار، وش، آسا، مانند، سان) کبی اوج درلو ادات طاقارق و عربیده کله لرك ماده لرینی (فعل، فاعل، مفعول، مفعول، مفعال، فعال، افعال، تفییل، مفاعله، انفعال) و سائره کبی قابلره صوقوب قیصارق قیور اتارق یوانسه قویابیله جگمزی آکلانوب (بنسادی، دردمند، هوشیار، خطرناک، هنرور، آتشین) کبی، (خریدار، پروردگار، کامکار، کارگر، باغبان، باغچوان، خزینه دار، سوزان) کبی، (دیوانه وار، ماهوش، بهشت آسا، دیومانند، یکسان) کبی، کذلک (ضرب، کاتب، مکتوب، مکتب، معیار، جلد، اعدام، تعلیم . . .) فلان فلان کبی مثالرله مسألینی آچار آچار آچارز.

فارسی و عربی اسملرله اسملرك وصفلرك برلشمه سیمی قالدی؟ بونک ایچونده آرتیق سز کندی کندیکزه برشی یابیوریکمز، دیه جگم کلیور. چونکه شوقدر سوزدن صکره کترکزک یکیدن برداها ترکیب اضافی، ترکیب توصیفی دیه یورولمغه و یورمنه حالم و یوزم یوق. ذاتاً (کتابک جلدی) یرنده (جلد کتاب) و (حال لسانی) یرنده (لسان الحال) دنیله بیلدیگنی ده، (اسکی کتابک یکی جلدی) یرنده (جلد جدید کتاب کهنه) دنیله بیلدیگنی ده بیلیرز. بونده تورکجه نك ترسنه دائماً تمم کله لرك اوسته چیقوب اساس کله لرك صوکره کله جگنی ده نخطر ایدرز. بکا بوقدری الویریر. بن (جلد نو دمیده تازه طراز کتاب تارمار شیرازه پریشان صحائف) دیه م. ایستره کز سزه بوبختمک بیلدیگمز مثالرینی تکر تکر اوقویایم . . آب حیات، آینه دل، دانای مملکت، مفتی بلده، بازی چرخ، سبوی می، ابرق وضو . . . چشم سیاه، زلف دراز، غنچه رعنا، ببلشیدا، گفتار بی معنا. منطقه البروج، یوم الحشر، رمضان المبارک، شوال الحیر، صباح الحیر . . . یتیشیری؟ فضاه بیله!

اعتراف ایدلم که بوشکایت و بییقینلق پک حقیقی برشی دکدر. بوکوج ایشدن بعضاً بویله سیلکینیرز. فقط بو برکوسته ریشدر. ایشک دوغروسی شودر . . عربی و فارسی لغت و ترکیبه بوغمقله لسانی بسله یوز و سوسله یوز، ظنی قوللارز. حتی بوظنک یاننده بوقدرله بویکی لسانی اوکره نیورز و توقیر ایدیروز، زعمی ده برابردر. بویولده اختیار ایدیلن فدا کارلقه احتمال که بویکی لسانی اوکره نه بیلیردک. فقط بز بوزعم ایله قالدقچه قازانا جغمز شی، (واریت)، (اختیاره)، (بلا پروا)، (پشیناً)، (بالفروخت)، (آیریتاً)، (محاسبه جی)

لغت ترکیجه ده بولونمادینی زمان آرائق و آلتق ایجاب ایدرکن بوکا دقت ایدلمه مش . . (ارض)، (زمین)، (سما)، (آسمان) کبی تورکجه سی اولان لغتدرده آلمش . . حتی، (اوجاق)، (طامو)، (اود) کبی ترکیه لغتله اوزرینه بیله بیله طویراقلر آیلوب (جنت)، (بهشت)، (جهنم)، (دوزخ)، (آش) کبی لغت بونلرک اوسته قونولمش. لغت بولونمایوبده آلماسی لازم کلدیکی زمان یالکمز بر دانه سی کافی ایکن، بوحدود کچیلوب برشی ایچون، (نماز)، (صلات)، (مبارک)، (فرخنده)، (خجسته)، (فرخ)، (بحر)، (دایا)، (لجه)، (قلزم) کبی فضله فضله لغتله آلمش . . بونه مثلاً (خرقه)، (جبه)، (ققتان) و یاخود (جنت)، (فردوس)، (خلد) لغتله آراسنده کی فرقلر کبی اوفاق فرقلرده کوزه تاهمش. آلمان لغتله آرتق تورکجه اولق و ترکیه نك هر ایجابته اویق اقتضا ایدرکن بویاده اولمامش، بونلرک یابانجیلنی تمامیله محافظه ایتدیرلمش. شمعی یه قدر سویله نیان سوزلری دها زیاده تکرار ایتمدن اعتراف ایدلم که بومسألده مصلحتک طبیعتی و ایجابی پک زیاده اونوتولمش.

سویله دیکمز وجه ایله، آکلانا جغمز شی ایچون لازم لغتله حاضر بولمازسق بو احتیاجی مثلاً (سودجی) و یا (ات صاتیجی) کبی اداتله و یا اسم و صفتله برلشمش برکله ایله ادا ایدرز، یاخود (قصاب) کبی برکله بولورز. ایپشته (قرآن)، (مکتب)، (آبدست)، (خسته خانه) کبی کله لر بو احتیاج، اویدورولارق آلمشدر. فقط آلدینمز بودرلو کله لرك بزجه هب بسیط تلقی ایدلمه سی ولغتنامه مزه اویله جه یازیلوب ایجابنده حاضرلوب کبی آلماسی لازم کلیرکن، بو نقطه ده کندیمیزی کوستره جگمز دیه ایچندن چیقلماز برتاغنه آتیلمشنز. بوکله مصدر، بو مصدر میعی، بو مصدر نوع، بو مصدر مره، بو اسم فاعل، بو اسم مفعول، بو مبالغه اسم فاعل، بو صفت مشبهه، بو مذکر، بو مؤنث . . فلان فلان دیه بوجالایوب قالمشز.

بوکون بریسی چیقوبده مثلاً (شمندوفر) لغتی اوج عنصردن مرکبدر، بونی ترکیجه ده قوللانیرکن (شمن - دو - فر) دیه تقریق و تحلیل ایدرک یازالم و چوجوقلرمزه بویله اوکره تم دیسه . . یاخود که وقتیه برینک کتابنه یازدینی کبی مثلاً (سالاتا) روحه در، بونی رونجه ده صاد اولمادینی ایچون سین ایله یازالم بویانجه، ایشی چوجوقلرمزه مکتب ابتدائیده آکلانالم دیسه . . بونی نه قدر کولونج و مروود بولورز! فقط عینی اجتهاد عربی و فارسی حقتنده تطبیق و تقلید ایدیله کلشدر.

بو نقطه ده بز ی بویله چاپاریز بر یورغونلمغه سوق ایدن شی نه در؟ هانیا، تورکجه ده اسملری اداتلرله باداشدیروب استفاده لرایتمه یورمی یز. ایشته بو تصرفی عربی و فارسی کله لر حقتنده فقط، بو لسانلرک کندی اصوللریله اجرا ایتمک ایسته مشنز. مثلاً (نمازجی) (نورلی)، (جنگلک) (مروتلی) دیمک واریکن و بو صورت دها ساده و یارار ایکن اویله دیه یوب بونی (مصلی)، (نورانی)، (چنزار)، (مروتکار) صورتنه قویمشز . . کذلک، بونلری جمع حاله قویمق پک قولای برشی ایکن، قولاینی براقوب باش دوندورجی صیقینتیلر ایچنه کیرمشز . .

مومی الیه)، (پوسته خانه عامره)، (حسن قوروتی) کبی یاوه لره کولونج اولقدر .
 بختی بوقدر اوزان دینمزم اصل اسم ایچنده کی نوعلردن بریده (مصدر) دیدیکمز اسملردر . مصدر بوتون فعللرک و برچوق اسملرک کوکی و آناسیدر . مثلاً (ایسته مک)، (طوتوق) مصدرلردن، (ایسته دی)، (ایسته مش)، (ایسته ر)، (ایسته یور) و سائر کبی بالعموم فعللره (ایسته ک)، (طوتمه)، (طوتوش)، (طوتوم)، (طوتام)، (طوتو)، (طوتاماق)، (طوتاقون)، (طوتوق)، (طوتاق)، (طوتوجی)، (طوتولان) کبی برچوق اسملر چیقار . بوتوللر مصدرک اسم اولماسنه مانع دکلدر . باقیسه اک خالص مصدر، (ایسته)، (طوت) کبی اداتدن پوروزدن، فضله هرشیدن قورتولمش اولان فعل ماده لریدر . فقط بونلرک بویایکی یاننده برده بخذوری وار . بونلردن زمان و شخص آیریلایور . (ایسته دیندیمی، مطلقاً بونک ایچنده (شمدی) و (سن) معناسی چاره سز اولیور . بوسیله (ایسته مک) (طوتوق) کبی (مک)، (مق) اداتلی کله لر مصدر یرنده قالیور . چوجوقلره (مصدر خفیف) و (مصدر ثقیل) دیه اوکرته کلدی کمز اصل مصدرک یاننده (ایسته مکک)، (طوتملق) و (ایسته مه)، (طوتما) و (ایسته یش)، (طوتوش) و (ایسته ک)، (طوتوم) شکللرنده طانی دینمزم (مصدر تا کیدی)، (مصدر تخفیفی)، (حاصل مصدر)، (اسم مصدر) کبی شیلردن باشقه جه بخته محل یوقدر . مصدر دن طبیعتیه فعللده بخت اوله ناجق .

تکرار ایده قار حلواسنه چو یردی کمز اسم واسمک دو کوتیلری بختی بوقدرله کسوب، مساعده کنزله بش دقیقه تنفس ایده لمده، آرتیق فعل بختنه آنلایلم . مابعدی وار

دوقتورا حقنده

— مکتب حقوقدن، ابراهیم علاء الدین بکه —

صراط مستقیمک «۶۲» نومرولی نسخه سنده مندرج «دوقتورا حقنده» سرلوحه لی مقاله کزی - مسئله نک کندینه قطعاً جهت تعلق بولمایان - عادل بر شخص ثالث بیطرفلیغه او قودم .. «بنای اجتماعینک تملی عدالتدر» و «دوقتورا اساسی اعتباریله مصون - الاعتراضدر» کبی بعض مطالعه لر یکز فی الحقیقه آزاده سنک اعتراض اولسه ده، او سطرلرک هیئت مجموعه سی بنده کزک فکریمه کوره ناقص و بلکه یک نابجا اولدینی ایچین شو بر قاچ سطرله، بو خصوصده، سرد مطالعه ایتمک مجبوریتنه بولیبورم ..

نهوت .. اساساً حقائق ابتداییه دن معدود اولقله برابر، برچوق سنه لر تمادی ایدن آجی آجی تجارب عدیده نتیجه سنده، تا صوک طبقه عوامه وارنجیه قدر آراق هر کس آکلادی وقانع اولدی، که معموز و بقایاب اولمق ایسته ین بر مملکتده اک اول و جودی الزم اولان شی عدالتک تأسسی، حقلک ظلمه، حتی هر شیئه غلبه سیدر .

بر حکومتده عدالت مفقود، حق محقر، مردود اولورسه - وارسته اشتباهدر که - او ملکک استقبالی مظل، مظل دکل مؤلدر .. شو حقائق ظاهره سزجده مسلم ایسه قضیه نک بوتون نزاکت

و علوتی هر زمان، هر یرده حق مرتبه لایقسنده طوتاجق، عدالتی توزیع و تطبیق ایده جک مأمورین عدلیه به توجه ایدر . بناء علیه مملکت مزده مأمورین عدلیه یتشدیر مکه مشغول اولان مکتب حقوقزه بر آز عطف نظر ایتمک ایجاب ایدیور ..

فی الواقع مکتبمز اوتهدنبری «دور سابقک سیاتی» جمله سی آلتده جمع اولنه بیان اسباب عدیده دن ناشی صورت مطلوبه ده، لازم اولدینی قدر طلبه لر پرورده ایده مامش . فقط، عجا ناصل اولمش ده او وقتلر بر بوجوق، ایکی سنه قدر امتداد ایدن دوقتورالر (!) اونقصانی ازاله یه خادم اولامایه رق صحت طلبه یی اخلاص ایتمک کبی سوزشلی نتیجه لر تولید ایتمش؟! ایسته بومعمای حل ایتمک محتاج کر امددر . بن ظن ایدیورم، که مکتب حقوقدن بحق حقوقشناس مقتدر کنجیلر یتشدیرمک دوقتورا ارتجاعیله دکل، متخصص و اصول تدریسه واقف معلملر تعیینیه ممکن اولور .. یوقسه دور استبدادک متاع مبتدلی اولان کنارلری یالذیزی توصیه لره التماسنامه لر حامللرینه بر رجحان فوق العاده تأمین ایتدیکه تدریس و تبعلیه مشغول اولدینمزم قوانین، محترم معلملریمز طرفندن ماده ماده قرائت ایدیلرک شرح و تدریس ایدلمکده دوام اولندیکجه ونهایت خامه ناجیزمک تحریرنده دوچار شرم اولدینی برچوق احوال مؤسسه یه خاتمه یرانه دیکجه اوسیوری، کسکین، پارلاق ذکالر، انکشاف ایچون بر زمان، بر زمین مساعده بلکه ین اوبویوک دهالر بردکل اوچ، بش، اون دوقتورایه (۱) تابع طوتولسه لرده نتیجه ده ضرردن باشقه برشی کوریه مز ..

کرچه بر طاقم معقول شرائط معتدله داخلنده دوقتورا وضعی مسامحه کار بر نظره کوروله بیلور . فقط، بوده حصول مقصده نا کافی اوله جنی ایچین البته بی لزومدر .

ذاتاً (همز) سز دوقتورا دنیا نک هیچ بر محلنده تصادف اولنور حالات غریبه دن دکلدر . بوندن ماعدا ایوم، اوتوز اوچ سنه قهار برینجه ظلم و اعتساف آلتده پریشان اولمش اوتوز میلیون خلق شمدی حکومت مشروطه دن، هرشیدن اول، عدالت ایسته یور، عدالت بلکه یور .. و بواونلرک یک بویوک و مقدس بر حقیدر .

حالبوکه مارتدن اعتباراً دیگر بعض قضالرده تطبیق و تشمیلی الزم و مقرر اولان تشکیلات عدلیه بالضرر بو کوندن اعتباراً وضع اولنه جق دوقتورا ایله - مأمور اوله بیله جکلرک فقدانندن ناشی - چار ناچار برسنه دوچار تأخر اولمق ایجاب ایدر . بویسه شایان تجویز بر کیفیت دکلدر .. ایسته مسئله یه بو کبی ملاحظات ده انضمام ایدنجه، مادامکه مملکت مزده - ممالک غریبه ده اولدینی کبی - صنف مخصوصلر احداثیه دوقتورا و تهز امتحانلرینک تطبیق و اجراسی مع التأسف ممکن اولامایور، هر حالده کورو کورونه بر دوقتورا (!) وضعندن ایسه مکتبمزک اصلاح حالنه چالیشیله رق ممکن مرتبه اکمال نواقصه عنم ایتمک مأمورین عاذه سنه مرتب بر وظیفه، بر دیندر، که از هر جهت او دوقتورا مضحکه سنه راجحدر .. مکتب حقوق منتهی صنفندن :

مصدر غیبی : احمد ریا

«مطبعة خیریه و شرکاسی» مدیر مسئول : اشرف ارب